

勞久安永逸詔從之而未能盡行也孝文太和七年擢晉律鎮將乃雍

上表申奉詔高平安定統萬薄骨津鎮今靈武郡高平今平原郡安定即今郡統萬今朔方郡也及臣所守四

鎮出車五千乘運屯穀五十萬斛付沃野鎮以供軍糧臣鎮去沃野八

百里道多深沙輕車往來猶以為難設令載穀二十石每至深沙必

致滯陷又穀在河西轉至沃野越渡大河計率五千乘運十萬斛百

餘日乃得一返大廢生人耕墾之業車牛艱阻難可全至一歲不過

三運五十萬斛乃經三年臣聞鄭白之渠遠引淮海之粟汧涼數千

周年乃得一至猶稱國有儲糧人用安樂求於嶓岷山在今平原郡高平縣今箕頭山語訛

亦曰岷山即嶓岷山河水之次造船二百艘二船為一舫一船勝二千斛一舫十人

計須千人臣鎮內之兵率皆習水一運二十萬斛方舟順流五日而至

自沃野牽上十日還到合六十日得一返從三月至九月三返運送六

十萬斛計用人工輕於車運十倍有餘不費牛力又不廢田詔曰知欲

造船運穀一冬即大省人力既不費牛又不廢田甚善非但一運自

可永以為式。○隋文帝開皇三年以京師倉廩尚虛議為水旱之備

詔於蒲陝澆熊洛縣懷郊衛汴許汝等水次十三州伊州今陸渾縣